

INFORMACIJA SAR TE DEL LAV

Avrikidņipen andre le gavengere forengere ačhadņipena the o avrikidņipen andro Senatos le Parlamentoskero la Čechikona republikakero paraščovine andro dņives 5. oktobris 2018 le 14.00 orendar dži 22.00 ori sombatone andro dņives 6. oktobris 2018 le 8.00 orendar dži 14.00 ori

O hazdņipen predžal ča andro dņivesa, kana ačhel o avrikidņipen andro avrikidņipnaskere khera pre la Čechikona republikakeri phuv.

Jekhetane le avrikidņipnenca andre le gavengere forengere ačhadņipena ačhel andro 27 avrikidņipnaskere obvodi tiž o avrikidņipen andro Senatos. Vaš kada avrikidņipen, o avrikidņipnaskere khera the o okrskova avrikidņipnaskere komisiji hine jekhetane. O voličis šaj del lav andro avrikidņipen andro Senatos ča andre kada avrikidņipnaskero obvodos, kaj jov hin prihlašimen kijo permanentno bešiben. Te o kandidatos nane avrikidlo andre peršo kereka butere sar jepaš dine lavenca, kerel pes e dujto kereka.

O voličis vaš o avrikidņipen andro gaveskero foroskero ačhadņipen hin

- ✓ o štatno themutno (občanos) la Čechikona republikakero, so najnasigeder andro dņives 6. oktobris 2018 dochudela 18 berš u hin les andro gav abo foros permanentno bešiben,
- ✓ o themutno andal aver člensko štatos la Europejskona Unijakero, so najnasigeder andro dņives 6. oktobris 2018 dochudela 18 berš u hin les andro gav abo foros permanentno abo registrimen prechodno bešiben u mangļa kaj te ačhel zapisimen andro dothodo kijo permanento voličengero soznamos.

O voličis andro avrikidņipen andro Senatos hin

- ✓ o štatno themutno (občanos) la Čechikona republikakero, so najnasigeder andro dņives 6. oktobris 2018 dochudela 18 berš, andre dujto kereka tiž o štatno themutno la Čechikona republikakero, so najnasigeder andro dņives 13. oktobris 2018 dochudela 18 berš.

Sar pes presikhavel e identita

O voličis mušinel andro avrikidņipnaskero kher presikhavel leskeri identita the leskero štatno themutņipen

- ✓ le platnone občanskone preukaziha,
- ✓ le platnone dromengere, diplomatickone abo služebnone pasoha la Čechikona republikakero abo le dromengere preukaziha,
- ✓ te džal pal o cudzincos, le preukaziha, so dothovel, hoj le cudzincos mukhle permanentnones te bešel ke amende abo le paťade lileha, hoj šaj prechodnones bešel andre amaro them.

Te o voličis na presikhavel leskeri identita the o štatno themutņiben (občanstvos) le kampfutne dokumentenca, na ela leske domukhlo te del lav.

O avrikidņipnaskere kartki

E avrikidņipnaskeri kartka vaš o avrikidņipen andro gaveskero foroskero ačhadņipen šaj jel demadņi pre soduj seri. Andre ajsu pripados hin tele pisimen: „Dža pre aver sera“.

E informacija pal le individualnone kandidatengere členstvos andre politicka seri abo politicka čalavibena hin pisimen pre avrikidņipnaskeri kartka čarņaripnaha. Pre avrikidņipnaskeri kartka ole avrikidņipnaskere serengeri, paš save pes paš e registracija rozgindā, hoj o kandidatos ačhela čuchindo, ačhel le kandidatoskero šoroskero čislos nazabešto.

O avrikidňipnaskere kartki vaš o avrikidňipen andro Senatos hine demade pro sako kandidatos avrether (individualnones).

Pre sako avrikidňipnaskeri kartka hin le kandidatoskero čislos určimen le loseha. Na kempel, kaj o dodine avrikidňipnaskere kartki keren kompletno čiselno šoros, kana le kandidatoskeri prihlaška kije registracija na ačhiľa registrimen aňi vašoda, hoj o sudos prearakhkerďa avri kadi veca.

Vzorova avrikidňipnaskere kartki the e informacija pal o pripadna tiskova chibi pre avrikidňipnaskeri kartka hine publikimen andro avrikidňipnaskero kher.

Informacija, hoj o kandidatos mukhel leskeri kandidatura abo pal kada, hoj o kandidatos pes lel pale

Andro avrikidňipnaskero kher pes den angle o informaciji pak kada, hoj varesavo kandidatos mukhel leskeri kandidatura abo pal kada, hoj o kandidatos pes lel pale. **Kana pes arakhel avri, sar o volbi dopejle, ta pes o dine lava vaš kajso kandidatos na ginen andre.**

Sar te del lav andro avrikidňipen

Sako voličis del lav korkoro, ňiko aver na šaj te del lav vaš leske. O voličis hazdel avka, hoj thovel e uradno kopertka la avrikidňia abo prikerďa kartkicaha angle e okrskovo avrikidňipnaskeri komisija andre avrikidňipnaskeri baksica. Le voličiha, so našti vašoda, hoj les hin teštoskeri chiba, korkoro kidel avri abo prikerel e avrikidňi avrikidňipnaskeri kartka abo našti genel abo lekhavel (pissinel), šaj ačhel andro than, kaj pes o avrikidňipnaskere kartkici prikeren, aver voličis, aľe kada našti jel o členos la okrskovona avrikidňipnaskera komisijatar, u kidel avri abo prikerel e avrikidňipnaskeri kartkica vaš o voličis u la thovel andre kopertka, eventualnones tiž thovel e uradno kopertka andre avrikidňipnaskeri baksica.

Sar te del lav andre hordindŕi avrikidňipnaskeri baksica

Le bare dovodendar, perše te hino nasvalo, šaj o voličis mangel le gaveskere foroskere urados the andro dŕives, kana ačhel o avrikidňipen, leskera avrikidňipnaskera komisija, kaj šaj te hazdel avrether le avrikidňipnaskere kherestar andre hordindŕi avrikidňipnaskeri baksica. E okrskovo avrikidňipnaskeri komisija šaj bičhavel leskere členen la hordindŕa avrikidňipnaskera baksicaha ča andro lakero avrikidňipnaskero okrskos.

Sar te del leskero lav sar voličis andro avrikidňipen andre le gaveskere foroskere ačhadŕipena

O voličis resela la okrskovona avrikidňipnaskera komisijatar čuči uradno kopertka, so pre late hin e uradno pečatka. Te jov kada mangel, e komisija les tiž dela e avrikidňipnaskeri kartka. La uradnona kopertkaha the avrikidňipnaskera kartkicaha džala o voličis andro than, kaj pes prikeren o kartki.

O čislos le členendar vaš o ačhadŕipen le gaveskero foroskero, so kempel te jel avrikidno andro dino gav abo foros, hin pisimen andro šeroro la avrikidňipnaskera kartkicatar.

Kempel, kaj o voličis prikerel e avrikidňipnaskeri kartka pal jekh le maňirendar, so hine ande teleder:

1. Te zakerekinel andro kvadratos andro šeroro le cileskero (v záhľaví sloupce) angle la avrikidňipnaskera serakero nav ča **jekh avrikidňipnaskeri sera**. Avka jov del leskero lav le kandidaten ola avrikidňipnaskera seratar andro šoros, sar jon hine pisimen pre avrikidňipnaskeri kartkica andro čislos, keci hine o členi le geveskere foroskere ačhadŕipenastar, so les kempel te kidel avri andre le gaveskero foroskero ačhadŕipen.

2. Te označinel andro kadri angle le kandidatengere nava kerestoha kajse kandidatos, so jov vaš leske hazdel, kada andal chočsavi avrikidňipnaskeri sera. **Najučeder šaj pes označinel keci kandidati, ajci členi le gaveskere foroskere ačhadňipnastar musaj te ačhen avrikidne.**
3. **Te kombininel soduj maňiri u označinel le kerestoha jekh avrikidňipnaskeri sera** the dureder andro kadrocis angle le kandidateskero nav **aver kandidati andal chočsave aver avrikidňipnaskere seri.** Andre kada pripados o lav pes del le kandidaten, so hine označimen individualnones. Andal e označimen avrikidňipnaskeri sera pes del o lav pal o šoros pre avrikidňipnaskeri kartka ča vaš ajci kandidati, keci mek chibinel dži o čislos le avrikidne kandidatendar andre le gaveskero foroskero ačhadňipen.

Te o voličis označinel le kerestoha o avrikidňipnaskeri sera, na označinel imar andre kadi avrikidňipnaskeri sera le konkretnone kandidaten. Andre kada pripados pes pre kada, hoj o kandidati ola avrikidňipnaskera seratar hine označimen, na pridikhel.

O voličis thovel e prikerdři avrikidňipnaskeri kartka andre šivo uradno kopertka, so sogalinel vaš o avrikidňipen andre le gavengere forengere ačhadňipena.

Te o voličis na označinel pre avrikidňipnaskeri kartka aňi e avrikidňipnaskeri sera, aňi ňisave kandidatos, na thovela e avrikidňipnaskeri kartka andre uradno kopertka, e avrikidňipnaskeri kartka prečhinela abo thovela andre uradno kopertka buter avrikidňipnaskere kartki andro kada isto ačhadňipen, ta leskero lav nane platno.

Sar te del lav andro ačhadňipena le forengere kotorengere the forengere obvodengere

Kana o voličis del lav andre štatutarna fori, so hine ulade pal o than, the andro angluno foros Praha, jov thovel andre jekh uradno kopertka soduj avrikidňipnaskere kartkici, kada hin e avrikidňipnaskeri kartka vaš o avrikidňipen andro ačhadňipen le štatutarnone forostar, so hino ulado pal o than, abo andro Ačhadňipen le bare forostar Praha (kadi kartkica hiňi označimen pre lavo sera vertikalnona ružovona liňajaha) the e avrikidňipnaskeri kartkica vaš o avrikidňipen andro ačhadňipen le foroskere obvodostar abo le foroskere kotorestar.

Sar den lav o voliči, so hine zapisimen andre cudzini pre zaačhadutne uradi la Čechikona republikakere andro avrikidňipen andro le gevengere the forengere avrikidňipena

Našři, kaj o voličis del lav andre cudzini andro avrikidňipen andre gavengere the forengere ačhadňipena. O voličis, so hin zapisimen andro osobitno soznamos andre cudzini, šaj del lav andro avrikidňipen andre le gavengere forengere ačhadňipena, te jov sikhavel le gaveskere abo foroskere uradoske, abo andro dřives, kana o avrikidňipen ačhel, avrikidňipnaskera okrskovona komisijake o pařado lil le ačhadňipnaskere abo konzularnone uradostar, hoj les čuchinde avri le zvlaštnone voličengere soznamostar.

Sar te del lav andro avrikidňipen andro Senatos

O voličis resela la okrskovona avrikidňipnaskera komisijatar čuči uradno kopertka, so pre late hin e uradno pečatka. Te jov kada mangel, e komisija les tiž dela e sada le avrikidňipnaskere kartkicengeri. La uradnona kopertkaha the le avrikidňipnaskere kartkicenca džala o voličis andro than, kaj pes prikeren o kartki. O voličis thovel andre uradno kopertka **jekh avrikidňipnaskeri kartka vaš le kandidatoske vaš saveske jov pes rozgindřa te del lav. E avrikidňipnaskeri kartka pes ňisar na prikerel .**

O avrikidňipen andro Senatos ačhel jekhetane le avrikidňipenca andre le gaveskere foreskere ačhadňipena. O farbi le uradnone kopertkendar the o avrikidňipnaskere kartki vaš o individualna volbi hine aver. E avrikidňipnaskeri kartka the e uradno kopertka vaš o avrikidňipena andre le gavengere the forengere ačhadňipena hine šiva, o avrikidňipnaskere kartki the e uradno kopertka vaš o avrikidňipen andro Senatos hine šarga. Kampil, kana o avrikidňipena pes keren jekhetane, kaj e šivo

avrikidņipnaskeri kartka pes thovel andre šivo uradno kopertka the e šargo avrikidņipnaskeri kartka pes thovel andre šargo uradno kopertka. Te kada avka na ačhel, nane o lava (hangi) platna. O voličis mušinel, kana thovel o avrikidņipnaskeri kartka andre uradno kopertka, te del pozoris, kaj te na kerel chiba u te na thovel andre uradno kopertka (phenas, hoj e kartkici hine lipinde jekhetane) buter avrikidņipnaskere kartki. Andre kada pripados le voličeskero lav nane platno, na mol.

Nalače hine tiž kajse kartkici, so nane pro kapeľutno formularis, o avrikidņipnaskere kartkici, so hine čhingerde, the o kartkici, so nane thode andre uradno kopertka.

Sar te del lav pro voličeskero preukazis andro avrikidņipen andro Senatos

Te o voličis del lav andro avrikidņipen andro senatos pro voličeskero preukazis, jov mušinel o preukazis te del pale la volebnona komisija. Palis jov resela la komisijatar e čuči uradno kopertka, so pre late hin uradno pečatka the e kompletno sada le avrikidņipnaskere kartkicengeri. O voličis šaj del lav le voličeskere preukaziha andro avrikidņipnaskero obvododos, kaj o avrikidņipen hin avriakhardo u andro themutno obvododos lestar o voličis hin prihlašimen kijo permanentno bešiben. Kada na čalavel le voličis, so rešľa o voličeskero preukazis le zastupitelskone abo konzularnone uradostar la Čechikona republikakero vašoda, hoj o voličis hin zapisimen paš kada urados. Kajso voličis šaj del lav andro chočsavo avrikidņipnaskero obvododos, kaj o avrikidņipen andro dino berš hin avriakhardo.

Sar te de lav andro avrikidņipen andro Senatos avrether le avrikidņipnaskere obvodostar, kaj le voličis hin permanentno bešiben

Kaj o avrikidņipnaskero pravos andro avrikidņipen andro Senatos te jel aktivno, kempel, kaj o voličis te avel permanentno bešibnen andro priperibnaskero avrikidņipnaskero obvododos. O voličis, so hin zapisimen andro permanentno soznamos le voličengero pre la Čechikona republikaro them, šaj avka del lav andro avrikidņipen andro Senatos ča andro berš, kana o avrikidņipen ačhel andre leskero avrikidņipnaskero obvododos. **Te o voličis pes arakhel andro d'ives, kana o avrikidņipen ačhel, andro aver avrikidņipnaskero obvododos abo andre cudzini (phenas perdal hospitalizacija abo služebno drom), zavadzinel leske kada, kaj te šaj del leskero lav.** Kada na mol vaš le voličenge, so hine zapisimen andre osobitna soznami pre zaačhadutne abo konzularna uradi la Čechikona republikakere andre cudzini.

Dujto kereka le avrikidņipnastar andro Senatos

Te ņisavo kandidatos na resela andre peršo kereka buter sar jepaš dine lava, ņisavo kandidatos na ačhela avrikidlo u kerela pes e dujto avrikidņipnaskeri kereka. Andro dujto kereka kandidinen ča duj kandidati, so pes pre peršo khereka thaňarde pre peršona duj thana. **O dujto kružkos ačhela paraščovine andro d'ives 12. oktobris 2018 le 14.00 orendar dži 22.00 ori u sombatone andro d'ives 13. oktobris 2018 le 8.00 orendar dži 14.00 ori.**

Te angle e dujto kereka le avrikidņipnastar o kandidatos mukhel leskeri kandidatura, našavel o čačipen kaj te ačhel avrikidlo, abo merel, džal andre dujto avrikidņipnaskeri kereka o kandidatos, so chudňa andre peršo kereka le avrikidņipnastar o trito than; andre ajsa pripados šaj e dujto kereka ačhel paraščovine le 19. oktobriste 2018 le 14.00 orendar dži 22.00 ori u sombatone le 20. oktobriste 2018 le 8.00 orendar dži 14.00 ori.

O voličis imar na resela o avrikidņipnaskere kartki (jon hine šiva) vaš o dujto avrikidņipnaskero kružkos anglal, aľe resela len direktnones andro avrikidņipnaskero kher le avrikidņipnaskere d'ivesende.